



## **TOSHKENT DAVLAT YURIDIK UNIVERSITETI REKTORINING B U Y R U G ' I**

26.12.2024

962-tm-son

### **Toshkent davlat yuridik universiteti “Sayqal vokal-cholg‘u ansambli” faoliyat samaradorligini oshirish to‘g‘risida**

O‘zbekiston Respublikasi Prezidenti Shavkat Mirziyoyev raisligida 2023-yilning 22-dekabr kuni o‘tkazilgan Ma’naviyat va ma’rifat kengashining kengaytirilgan yig‘ilishida hamda 2024-yilning 5-fevral kuni Ijtimoiy sohalardagi ustuvor vazifalar muhokamasi yuzasidan o‘tkazilgan videoselektor yig‘ilishida belgilangan vazifalar ijrosini ta’minlash, shuningdek O‘zbekiston Respublikasi Oliy ta’lim, fan va innovatsiyalar vazirligi hamda Madaniyat vazirligining 2024-yil 29-noyabrdagi “Oliy ta’lim muassasalarida “Milliy musiqa cholg‘ulari” ansambllarini tashkil etish to‘g‘risida”gi 45-q/q-son qo‘shma qaroriga muvofiq

### **BUYURAMAN:**

1. O‘zbekiston Respublikasi Oliy ta’lim, fan va innovatsiyalar vazirligi hamda Madaniyat vazirligining 2024-yil 29-noyabrdagi 45-q/q-son qo‘shma qarori ma’lumot va ijro uchun qabul qilinsin.

2. Qo‘shma qaror bilan quyidagilar:

“Milliy musiqa cholg‘ulari” ansambl (bundan buyon matnda – ansambl) larini tashkil etish bo‘yicha nizom tasdiqlanligi;

oliy ta’lim muassasalarida ansambl tashkil etish va ansambl faoliyati uchun zarur sharoitlar yaratish belgilanganligi;

ansambl uchun oliy ta’lim muassasasi budjetdan tashqari mablag‘lari hisobidan zarur cholg‘u asboblarning xarid qilish va ansambl a’zolarini maxsus milliy kiyim bilan ta’minlash belgilanganligi;

ansambl a’zolarini oliy ta’lim muassasalarining budjetdan tashqari mablag‘lari hisobidan rag‘batlantirib borish belgilanganligi inobatga olinsin.

3. Toshkent davlat yuridik universiteti (bundan buyon matnda – Universitet)da tahsil oladigan havaskor talabalardan iborat “Sayqal vokal-cholg‘u ansambli” faoliyati yo‘lga qo‘yilganligi hamda 2021-yildan buyon faoliyat yuritayotganligi inobatga olinsin.

4. Ma’naviyat va ma’rifat markazi (Sh.Po‘lotov) universitetda faoliyat

yuritayotgan “Sayqal vokal-cholg‘u ansambli” faoliyatini qo‘shma qarorda belgilangan talablar asosida tashkil etish choralarini ko‘rsin.

5. Moliya-iqtisod masalalari bo‘yicha prorektor (A.Iminov):

“Sayqal vokal-cholg‘u ansambli” faoliyati uchun universitet budjetdan tashqari mablag‘lari hisobidan zarur cholg‘u asboblarni xarid qilish hamda mavjudlarini qayta restavratsiya qilinishini nazoratga olsin;

ansambl a‘zolarini tanlab olingan namuna asosida maxsus milliy kiyim bilan ta‘minlanishini nazoratga olsin.

6. Mazkur buyruq ijrosi nazoratini o‘z zimnamda qoldiraman.

**Yoshlar masalalari va  
ma‘naviy-ma‘rifiy ishlar  
bo‘yicha birinchi prorektor**



**A.XASHIMHONOV**

Toshkent shahar

**Kiritildi:**

Direktor

SH.PO‘LOTOV



**Kelishildi:**

Moliya-iqtisod ishlar bo‘yicha  
prorektor

A.IMINOV



Katta yuriskonsult

A.TURSUNOV

